

Ժուռնալիստների «Ասպարեզ» Ակումբ հասարակական կազմակերպությունը, ղեկավարվելով ՀՀ Սահմանադրության 27-րդ հոդվածով, «Տեղեկատվության ազատության մասին» 23.09.2003 թ. ՀՀ օրենքի 6-րդ հոդվածի 1-ին մասի եւ 9-րդ հոդվածի պահանջներով, 2006 թվի հոկտեմբերի 21-23-ին տեղեկություն ստանալու նպատակով հարցումներով դիմել էր Շիրակի մարզի բոլոր 119 համայնքապետերին, խնդրելով իրեն տրամադրել.

1. Համայնքի 2006 թվի բյուջեի փաստաթղթի պատճենը,
2. Համայնքի ավագանու 2005 թվականի հունվարի 1-ից մինչեւ 2006 թվականի սեպտեմբերի 30-ը ընդունած որոշումների պատճենները:

Հարցումներ հղելուն նախորդած եւ հաջորդած 5 ամիսների ընթացքում ակումբը, ՀՀ «Տեղեկատվության ազատության մասին» օրենքի իրազեկման նպատակով, կազմակերպել է 6 հեռուստատեսային քննարկում եւ 20 ռադիոհաղորդում տեղական հեռարձակող լրատվամիջոցների ուղիղ եթերում, կազմակերպել եւ անցկացրել է 6 ուսուցողական սեմինար, 5 քննարկում կլոր սեղանի շուրջ, որոնց մասնակցելու են հրավիրվել տեղեկություններ տնօրինող 200-ից ավելի պաշտոնյա, այդ թվում վերոհիշյալ հարցումների հասցեատերերը:

2006 թվի դեկտեմբերի 18-ին հասարակական կազմակերպությունը երկրորդ հարցում-նամակներն է հղել նախորդ հարցմանը չպատասխանած 89 համայնքապետերին: Այդ նամակում, նույն տեղեկությունները հարցնելուց բացի, մեկնաբանվել են նրանց պարտականություններն ու նամակին կցվել է ՀՀ «Տեղեկատվության ազատության մասին» օրենքը:

2007 թվի հունվարի 25-ին Ժուռնալիստների «Ասպարեզ» ակումբ ՀԿ-ն որպես հացվոր դիմեց Շիրակի մարզի առաջին ատյանի դատարան, խնդրելով վերականգնել տեղեկատվության ազատության իր խախտված իրավունքը: Ակումբի հարցումներին չպատասխանած 49 համայնքների ղեկավարներից 9-ի դեմ հայց հարուցվեց ընդդեմ Շիրակի մարզի Ազատան, Շիրակ, Լուսաղբյուր, Ամասիա, Ողջի, Արդենիս, Մեծ Սեպասար, Փոքր Սեպասար, Հոռոմ համայնքների համայնքապետարանների:

Փետրվարի 15-ից մինչեւ մարտի 12-ը, Շիրակի մարզի առաջին ատյանի Գյումրու դատարանում, Ախուրյանի եւ Արթիկի նստավայրերում ընթացած 6 դատական նիստերի արդյունքում Դատարանը կայացրեց համանման վճիռներ. **պարտադրել Ազատան, Շիրակ, Ամասիա, Ողջի, Արդենիս, Մեծ Սեպասար, Փոքր Սեպասար, Հոռոմ համայնքների համայնքապետարաններին հայցվորին տրամադրել հարցված տեղեկությունները եւ մասնակիորեն հատուցել վերջինիս դատական ծախսերը (տարբեր դեպքերում՝ 24-30 -ական հազար դրամ, որից 4000-ական դրամը որպես պետական տուրքի ծախսի փոխհատուցում):** Լուսաղբյուր համայնքի պարագայում կողմերը հաշտություն կնքեցին, պայմանով, որ պատասխանողը կհատուցի միայն պետական տուրքի ծախսը: Պատասխանողները, բացառությամբ Ողջի եւ Ամասիա համայնքների, հարցված տեղեկությունները հայցվորին տրամադրեցին դեռ դատաքննության ընթացքում:

Ընդհանրապես, այս 9 գործերի «Ասպարեզ» ակումբի փորձառությունը ցույց տվեց, որ արդարադատության համակարգը չէին վերապահումներով աշխատում է տեղեկատվության բացահայտման եւ հանրությանը հասցնելու օգտին: Համակարգն ավելի շատ է հարկավոր աշխատեցնել՝ բոլոր հնարավոր ուղղություններով: Այսպիսով լուրջ անհանգստություններ կարելի է պատճառել բոլոր նրանց, ովքեր, չեն կատարում ՀՀ «Տեղեկատվության ազատության մասին» օրենքի պահանջները եւ հանրությանը սիրահոծար չեն տրամադրում հանրային նշանակության տեղեկությունները:

Այսպիսով անցած 6 ամիսների հարցումների եւ դատական գործերի արդյունքում Ակումբն Շիրակի մարզի 119 համայնքներից ստացել է 78-ի տեղեկությունները լրիվությամբ (7-ը դատաքննության ընթացքում), 10 համայնքից՝ մասնակիորեն (հիմնականում կա բյուջեն, չկան ավագանու որոշումները), 30 համայնքից

բոլորովին արձագանք չի ստացել, իսկ 1 համայնք (Ամասիա), չնայած օրինական ուժի մեջ մտած դատարանի վճռին (22.02.2007+15 օր= 09.03.2007) պահանջված փաստաթղթերը դեռ չի տրամադրել:

Օրենքով սահմանված ժամկետում (հարցումն ստանալուց հետո 5 օրում) ակումբի հարցումներին պատասխանել են Շիրակի մարզի 119 համայնքներից միայն **Հառիճ** (գյուղապետ Ռուլանդ Նազարեթյան), **Գետափ** (գյուղապետ Մայիս Մկրտչյան), **Փանիկ** (գյուղապետ Վարդան Մակեյան) **և Նոր Կյանք** (գյուղապետ Արա Սուքիասյան) համայնքների գյուղապետերը:

Տեղեկությունները մասնակիորեն տրամադրած 10 համայնքներն են.

Գյումրի, չեն տրամադրել 2005 թ ավագանու որոշումները. 25.12.2006
Հարթաշեն, տրամադրել է միայն բյուջեն, ավագանու որոշումները դեռ չկան: 10.3.2007
Լեռնագյուղ, տրամադրել է միայն բյուջեն 10.3.2007, ավագանու որոշումները դեռ չկան
Կրասար, տրամադրել է միայն բյուջեն, ավագանու որոշումները դեռ չկան: 10.3.2007
Հայրենյաց, տրամադրել է միայն բյուջեն, ավագանու որոշումները դեռ չկան: 19.2.2007
Մեղրաշեն, տրամադրել է միայն բյուջեն, ավագանու որոշումները դեռ չկան: 19.2.2007
Նահապետավան, տրամադրել է միայն բյուջեն, ավագանու որոշումները դեռ չկան: 19.2.2007
Մարմաշեն, տրամադրել է միայն բյուջեն, ավագանու որոշումները դեռ չկան: 19.2.2007
Մուսայեյան (Ախուրյանի ենթաշրջանում), տրամադրել է միայն բյուջեն, ավագանու որոշումները դեռ չկան: 19.2.2007
Բանդիվան, տրամադրել է 2005-2006 ավագանու որոշումները՝ 15.3.2007, բյուջեն դեռ չկա

Առաջին 9 դատական գործերից հետո նամակներին արձագանքած համայնքներն են.

Թորոսգյուղ, տրամադրել է միայն բյուջեն 10.3.2007, ավագանու որոշումները տրամադրել է 16.3.2007
Հայկավան, **15.3.2007**, տրամադրել է բոլոր հարցված նյութերը
Հովտուն, **20.3.2007**, տրամադրել է բոլոր հարցված նյութերը
Հողմիկ, **27.3.2007**, տրամադրել է բոլոր հարցված նյութերը
Յողամարզ, **19.3.2007**, տրամադրել է բոլոր հարցված նյութերը
Փ.Սարիար, **14.4.2007**, տրամադրել է բոլոր հարցված նյութերը

Ակումբին դեռ (17.4.2007) տեղեկություններ չտրամադրած 31 համայնքներն են.

Այգաբաց, **Լեռնուտ**, **Կառնուտ**, **Կրաշեն**, **Հովիտ**, **Հովունի**, **Մեծ Սարիար**, **Փոքրաշեն**, **Քարաբերդ**, **Ձիթանքով**, **Ջրածոր**, **Հայկածոր**, **Բերդաշեն**, **Ամասիա** (Դատարանի վճիռի պահանջը դեռ չի կատարել), **Չարիշատ**, **Չորակերտ**, **Ալվար**, **Աղվորիկ**, **Թավշուտ**, **Աշոցք**, **Չուլգաղբյուր**, **Կարմրավան**, **Մուսայեյան** (Աշոցքի ենթաշրջանում), **Սալուտ**, **Վարդաղբյուր**, **Արփենի**, **Գեղանիստ**, **Հովտաշեն**, **Սարատակ**, **Սպանդարյան**, **Լուսակերտ**:

Առաջիկայում Ժուռնալիստների «Ասպարեզ» ակումբը դատարան է դեմելու վերոհիշյալ 30 համայնքերից հարցումներով պահանջված տեղեկությունները ստանալու համար:

Ժուռնալիստների «Ասպարեզ» ակումբի անունից

Խորհրդի նախագահ Լեւոն Բարսեղյան

levon@asparez.am

www.asparez.am

հեռ. 091 821 363

Պուշկինի փ., 96, Գյումրի, Հայաստան 3102